

**UJEDINJENE
NACIJE**



Međunarodni sud za krivično
gonjenje osoba odgovornih za
teška kršenja međunarodnog
humanitarnog prava počinjena
na teritoriji bivše Jugoslavije
od 1991. godine

Predmet br. IT-98-32/1-A
Datum: 13. septembar 2012.
Original: engleski

PRED ŽALBENIM VIJEĆEM

Rješava: sudija Mehmet Güney, predžalbeni sudija
Sekretar: g. John Hocking
Nalog od: 13. septembra 2012. godine

TUŽILAC

protiv

**MILANA LUKIĆA
SREDOJA LUKIĆA**

JAVNO

NALOG O RASPOREDU

Tužilaštvo

g. Peter Kremer, QC

Obrana Milana Lukića

g. Tomislav Višnjić
g. Dragan Ivetić

Obrana Sredoja Lukića

g. Đuro Čepić
g. Jens Dieckmann

JA, MEHMET GÜNEY, sudija Žalbenog vijeća Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Žalbeno vijeće, odnosno Međunarodni sud) i predsjedavajući sudija u ovom predmetu;

IMAJUĆI U VIDU Presudu koju je u ovom predmetu donijelo Pretresno vijeće III 20. jula 2009. godine;¹

IMAJUĆI U VIDU "Najavu žalbe tužilaštva", podnijetu 19. avgusta 1999. godine; "Najavu žalbe Milana Lukića ", podnijetu 19. avgusta 2009. godine; i "Najavu žalbe Sredoja Lukića", podnijetu 19. avgusta 2009. godine;

IMAJUĆI U VIDU da su Milan Lukić i Sredoje Lukić trenutno u pritvoru u Pritvorskoj jedinici Ujedinjenih nacija u Haagu do rješavanja njihovih žalbi na Prvostepenu presudu;

IMAJUĆI U VIDU žalbeni pretres održan 14. i 15. septembra 2011. godine;

IMAJUĆI U VIDU i da je posljednja statusna konferencija održana 24. maja 2012. godine;

UZIMAJUĆI U OBZIR da pravilo 65bis(B) Pravilnika o postupku i dokazima Međunarodnog suda zahtijeva da "Žalbeno vijeće ili sudija žalbenog vijeća moraju sazvati statusnu konferenciju u roku od sto dvadeset dana od podnošenja najave žalbe i u razmacima od najviše sto dvadeset dana od posljednje statusne konferencije kako bi se svakoj osobi koja se nalazi u pritvoru dok traje žalbeni postupak omogućilo da pokrene pitanja u vezi sa žalbom, uključujući i duševno i fizičko stanje te osobe";

UZIMAJUĆI U OBZIR da su se strane u postupku saglasile da se statusna konferencija održi 123 dana od posljednje statusne konferencije;

OVIM NALAŽEM da se statusna konferencija održi u sudnici 3, 24. septembra 2012. godine u 15:30 časova.

¹ *Tužilac protiv Milana Lukića i Sredoja Lukića*; predmet br. IT-98-32/1-T, Presuda, 20. jul 2009. godine

Sastavljeno na engleskom i francuskom jeziku, pri čemu je mjerodavan tekst na engleskom.

/potpis na originalu/
sudija Mehmet Güney,
predsjedavajući

Dana 13. septembra 2012. godine
U Haagu,
Nizozemska

[pečat Međunarodnog suda]